



## ERINDISBRÉF

Æskulýðs- og menningarmálanefnd Grímsnes- og Grafningshrepps.

### I. Kafli Skipun nefndar

#### 1. gr.

Æskulýðs- og menningarmálanefnd Grímsnes- og Grafningshrepps er skipuð af sveitarstjórn og heyrir beint undir hana. Kjörtímabil nefndarinnar er hið sama og sveitarstjórnar og skal hún skipuð að afloknum sveitarstjórnarkosningum.

#### 2. gr.

Nefndin skal skipuð þremur aðalmönnum og þremur til vara. Formaður er tilnefndur af sveitarstjórn en að öðru leyti skiptir nefndin með sér verkum.

### II. Kafli Fundir og starfshættir

#### 3. gr.

Nefndin heldur fundi þegar verkefni liggja fyrir en þó eigi sjaldnar en árlega. Formaður boðar fundi nefndar með minnst tveggja daga fyrirvara. Fundir nefndarinnar skulu að öllu jöfnu boðaðir með skriflegu fundarboði/tölvupósti og því skal að jafnaði fylgja afrit þeirra erinda sem til umfjöllunar eru. Sveitarstjóri á rétt til fundarsetu með málfrelsi og tillögurétti. Þá er heimilt að kalla til á fundi nefndarinnar sérhvern þann er tengist málum sem fjallað er um hverju sinni. Starfsmönnum stofnana sveitarfélagsins er skylt að sitja fundi æskulýðs- og menningarmálanefndar sé þess óskað.

#### 4. gr.

Æskulýðs- og menningarmálanefnd skal rita fundargerð í tölvu samkvæmt fyrirmynd af fundargerð frá Grímsnes- og Grafningshreppi. Fundargerð skal ritari skila sem fyrst til sveitarstjóra sveitarfélagsins.

#### 5. gr.

Fundargerðir æskulýðs- og menningarmálanefndar skulu lagðar fyrir sveitarstjórn Grímsnes- og Grafningshrepps til staðfestingar.

Sveitarstjóri sér um að fundargerðin sé tekin á dagskrá næsta fundar sveitarstjórnar Grímsnes- og Grafningshrepps og jafnframt sér sveitarstjóri um að tilkynna aðilum mála, sem afgreidd eru í æskulýðs- og menningarmálanefndar, um málalok. Skrifstofa sveitarfélagsins sér um að birta fundargerðir á vefsíðu Grímsnes- og Grafningshrepps.

#### 6. gr.

Ákvarðanir nefndarinnar taka formlega gildi við staðfestingu sveitarstjórnar. Nefndin getur enga bindandi ákvörðun tekið nema með samþykki sveitarstjórnar.



**7. gr.**

Nefndinni er ætlað að vera ráðgefandi fyrir sveitarstjórn varðandi þau erindi sem berast. Nefndarmenn skulu hafa hag sveitarfélagsins að leiðarljósi við störf sín en eru ekki bundnir af öðru en sannfæringu sinni, lögum og samþykktum um stjórn og fundarsköp Grímsnes- og Grafningshrepps í atkvæðagreiðslum um málefni á vegum nefndarinnar.

**8. gr.**

Nefndarmenn skulu gæta trúnaðar um það sem þeir verða áskynja í starfi sínu og leynt á að fara samkvæmt lögum eða eðli máls. sbr. 4. mgr. 28. gr. sveitarstjórnarlaga nr. 138/2011.

**III. Kafli Hlutverk og verkefni**

Meginhlutverk æskulýðs- og menningarmálanefndar er að móta stefnu í æskulýðs- og menningarmálum og eftir atvikum að endurskoða stefnuna.

**Meðal verkefna nefndarinnar er:**

- að vera sveitarstjórn til ráðgjafar og veita umsögn í æskulýðs- og menningarmálum, að fylgjast með framkvæmd laga og reglugerða er snerta starfssvið nefndarinnar,
- að móta stefnu í æskulýðs- og menningarmálum sveitarfélagsins og eftir atvikum að endurskoða stefnuna,
- að starfa með tómsunda- og félagsmálafulltrúa að málum er undir hann og nefndina heyra,
- að tilnefna tvo fulltrúa og tvo til vara á aldrinum 16-18 ára í ungmennaráð,
- að fjalla um málefni er lúta að æskulýðs- og menningarmálum þegar tilefni gefast til hverju sinni og gera tillögur til úrbóta eða breytinga í málaflokkunum eftir því sem nefndin telur ástæðu til,
- að efla æskulýðs og menningarstarf í Grímsnes- og Grafningshreppi,
- að skipuleggja og halda utan um 17. júní hátíðarhöldin í sveitarfélaginu í samstarfi við önnur félagasamtök eftir því sem við á,
- að gera tillögur til sveitarstjórnar um markmið í æskulýðs- og tómsundamálum fyrir unglunga í sveitarfélaginu,
- að aðstoða tómsunda- og félagsmálafulltrúa sveitarfélagsins við að skipuleggja æskulýðs- og tómsundastarf í samstarfi við unglunga, félög, stofnanir og þá aðila sem málið varðar,
- að vinna að forvarnarmálum innan sveitarfélagsins í tengslum við Kerhólsskóla og tómsunda- og félagsmálafulltrúa,
- að veita sveitarstjórn umsagnir um málefni sem snerta æskulýðs- og tómsundamál,
- að vera í samstarfi við ungmennaráð, ungmennafélagið Hvöt, íþróttafélagið Gnýr og önnur félög eftir því sem við á,
- að hafa forgöngu um könnun á húsnæðisþörf til íþrótt- og tómsundastarfsemi og stuðla að aukinni fjölbreytni í þessum málum fyrir íbúa sveitarfélagsins,
- að gera tillögur um styrkveitingar til einstakra verkefna, félaga, deilda eða einstaklinga á grundvelli sérstaks umboðs sem sveitarstjórn veitir hverju sinni,
- að fylgjast með og gera tillögur um endurbætur á leiksvæðum og leiktækjum sveitarfélagsins,
- að eiga samvinnu við aðra aðila í sveitarfélaginu um framkvæmd hátíðahalda og viðburða á menningarsviði,
- að standa fyrir almennum fundum, málþingum um æskulýðs- og menningarmál og annarri kynningu,
- að fjalla um önnur þau mál sem sveitarstjórn felur henni.



#### IV. Kafli Þóknun og gildistaka

##### 9. gr.

Fundarþóknun skal vera í samræmi við þóknun annarra nefnda á vegum Grímsnes- og Grafningshrepps.

##### 10. gr

Erindisbréf þetta byggist á ákvæðum sveitarstjórnarlaga nr. 138/2011 um verkefni sveitarfélaga og starfsemi nefnda á þeirra vegum, stjórnarsýslulögum nr. 37/1993 og samþykkt um stjórn og fundarsköp fyrir Grímsnes- og Grafningshrepp. Erindisbréf þetta hefur verið samþykkt af sveitarstjórn Grímsnes- og Grafningshrepp þann 3. október 2018 og tekur þegar gildi.